

3.

tiquitas: immò *Macrobius lib. II. Saturnal. c. 10.* statuit, *Vetustas quidem nobis semper, (si sapimus, adoranda est.*

Audiamus ergò venerabilem Antistitem, qui *Sermonem LII. de die sancto Pascha* hunc in modum orditur: *Non immeritò, Fratres, hodiernâ die Psalmus hic legitur, in quo Propbeta exultandum precipit & letandum: Omnes enim creaturas ad hujus diei festivitatem David sanctus invitat.* Hæc nempe est Exordij *ἡμέρας* seu propositio, in quâ occurrit (1) amica illa *ἡμεσφώνησις* & compellatio, quam *Paulus Apostolus* in omnibus ferè suis (si eam ad *Colossenses*, utramq; ad *Timotheum*, & ad *Titum*, ubi casus vocandi expressim non habetur, excipias) epistolis, *Petrus* item *Johannes* & *Jacobus* adhibuerunt, pro quo hodierno stilo dicimus *Cure Christliche Liebe* (*) Estq; hæc compellatio tantæ efficacix, ut exinde etiam *ἄσπυδ* hostis mutatum in melius animum, solatium & fidem concipiat, argumento *cap. XX. lib. I. Regg. v. 32:33.* Confer in *Fragment. Esther c. IV, 8: & II. Samuel. I, 26: Ps. XXXV, 14.* Exinde idem quoque *Paulus* confirmare volens certissimam Filij Dei erga fideles suos gratiam ac benevolentiam dicit, quòd *non erubescat eos vocare fratres, Ebraor. II, 11: ex Jobann. XX, 17,* ubi *B. Brentius* notanter addit, "Hoc cognomen non tribuit ipsis civilitatis, sed veritatis gratia: Non enim sic agnoscit eos fratres, quemadmodum aliquoties legitimi agnoscunt illegitimos, quibuscum non adeunt illi communem hæreditatem patris æqualiter; sed agnoscit eos tales fratres, quòd velit omnes habere paternæ ac cœlestis suæ hæreditatis participes.,, *Homil. VII: in Jobann.* (2) Versiculus est viceſimus quartus *Psalmi CXII* *Xvi, Hæc est dies, quam fecit Dominus, exsultemus & letemur in eâ:* quæ sunt verba fidelium exsultantium de resuscitatione & resurrectione

A 2

sui

(*) Sic idem Noster *Ambrosius Serm. 89. de Bell. tumult. Dilectionem Vestram fortasse plus moveat:* *Augustinus* alicubi, *Charitas Vestra.* Conferte sultis *Meursij Glossar. Græco barbar. in Ἀγαπῶ, & in Ἀγαπῶν: & Reines. lib. III. V. L. c. ult. p. 625.*